

廣平府志

第十冊 略十一至略十五

經政
祀典 戶口 田賦 廉俸 徭役
雜稅 鹽法 驛站 鋪司 兵制



重修廣平府志卷二十四

經政略 祀典

府城隍廟在府治西

舊志

明萬曆十一年知府賈應璧重

修

國朝康熙五十三年知府王嗣衍乾隆二十一年知府劉

叔枚同治十三年知府長啟各續修

採訪冊 王嗣衍記略余自辛卯冬

以典選外遷武安守武安南北衝衢自懼德鮮才乏不克勝任惟律已廉御屬恕以補我才所不逮下車之日屬邑以旱歉告而永年邯鄲尤甚老幼幾不相保余憂心蒿目夙夜悚惻幸賴大中丞趙公仰承 睿意亟發倉粟舖之而民安堵如故越二年癸巳郡屬大稔民樂其豐比戶悅豫予以奉職無狀而得優游卧理者皆藉 聖主無疆之休暨上官德澤以至於此然安知非神降之庇俾吾民獲以含哺鼓腹於太平熙雍之盛

重修廣平府志

卷二十四

經政略

祀典

一

也乎則祀神之典又安可替耶郡有廟歲久不治殿寢庭廡以及於門皆荒穢鼓鼗不足以及謁虔安靈因倡捐薄俸庀材鳩工易廟之圯榱與腐瓦而更新之一時僚屬暨紳士耆民咸好義樂輸惟月若日工告訖是為記後屢示顯異以故人心警惕歲時伏臘而過趨肅若不遺婦孺真有所謂赫赫厥聲濯濯厥靈者余於壬戌歲來莅茲土視廟址稍隘意欲重修而有志未逮越十餘年而躬膺 簡命仍莅茲土得知府事及再瞻厥廟則不獨規模卑狹抑且棟宇傾欹塗堊剝蝕思遂前志而商之合郡邑侯共襄厥事未幾而士民之樂輸者踵至鳩工庀材八閱月而工告竣輪奐斯崇鸞飛鳥革視前大為改觀從茲以往邀神貺而獲天庥則雨暘時若大有頻書而合郡人民將緣是而胥受其福也是為記邑人李鍾璘記略郡城隍廟在府治西每經傾圮歷任郡伯率屬重修皆勸貞珉紀其事迨同治初年東西廊廡拜殿後殿戲樓漸皆頽敗紳民等稟請府縣募化捐修正內兩廊十一間資用告罄輒止八年長子明郡伯重莅斯土有志修葺率紳商吏民共捐若干繕案貲購買木石甄瓦因工程浩大尚不敷用未敢興修復擬

於各屬勸捐乃值水旱不時中輟延至癸酉永邑王竹堂父臺倡捐京蚨一千緡用前所購物料鳩工庀材僅將戲樓修起而資用又告竭矣郡伯復延城內紳耆並飭本署書吏隨同赴永邑鄉鎮及十屬之內廣爲勸募以資續修凡積數年之經營始得告竣盛舉之真不易也是爲記

永年縣

倚郭

社稷壇在城北門外

縣志

風雲雷雨山川壇在城南門外

同上

先農壇在城東門外雍正四年建有藉田四畝九分

同上

厲壇在城北門外

同上

城隍廟在縣學西明崇禎十二年知縣宋祖乙創建

國朝順治間知縣余維樞乾隆間知縣孔廣棣嘉慶間知

重修廣平府志

卷三十四

經政略

祀典

二

縣志袁俊伍傅沛各有修葺同治五年知縣王德炳重修

縣志應者曰附載府志謁文廟名宦祠罔所祀又謁府城隍神祠而卑處東隅曰縣城隍神也余計之曰名宦當請學使志必博採鄉獻爲茲神宇是誠在我無何邊警事迫余方繕城垣練鄉勇與士民商登陴計無能他及明年二月解嚴因以名宦祠商諸廣文汪公光緒局孝廉李子濬盧子愜允盧子贊元貢生胡子鳳閣分較邑志城隍神祠則卜基縣學西計日集事入秋邊警又告矣余同郡尊誓諸城隍廟期共城爲存亡城頭露宿五十日浸冬賊逼城二十日敵退而土賊繁興賊散而援兵經過所在掠殺明年中夏始定乃復理前功爲前後殿各一東西廊各一戟門一儀門一落成之日適孝廉諸公以志進而名宦祠設焉余以舉之不易也因勒之石國朝申涵盼記略永故無城隍祠郡祠列神像東廊下官民伏臘釐祝未得所便山東清六宋公始創建縣城隍廟於學宮之西本舊草場地狹隘卑濫殿僅三楹餘未及舉遂去後人續建兩廊門垣寢廟並黃冠士司香火道院六楹正殿塑像兩廊繪事而已因多雨

重修廣平府志

卷二十四

經政略 祀典

三

之末令儻由此漸淪圯敗非我責乎於是捐俸鳩工因
舊制擴之開廣周遂一時改觀乃勒石記厥事
弗安節俸餘謀更葺紳民不期而同醵金以千經始丙
子七月王辰至丁丑三月癸丑落成紳民夸神靈異以
張斯舉也余曰唯唯事神之道赴義宜勇而持志宜
若夫以修葺之役自爲功且爲令功皆非所望於吾民
者民其諭令言而以之事神不違矣僉曰善因勒之於
石伍傳沛記略平干爲畿南望邑聰明山在城西昔
盧項禱聰明山記曰彰善禍淫之謂聰降祥毓物之謂
明夫邑之有城隍神猶有宰也邑之民安居樂業而相
與習禮讓敦孝友是民之福也宰之幸也否則愧之勵
之甚且從而威之亦民之福也宰之職也夫鬼神之神
善禍淫亦若是而已矣今廟之成費金且千邑民之捐
費者蓋不下數百家皆其樂善者也吾尤願民之推此
樂善之心以事其長上和其鄉里保其子孫是民之福
也宰之幸也亦即神之惠也抑有異者廟有舊碑前邑
令山左孔君記其重修之歲月蓋始於乾隆丙子七月
而成於丁丑三月是役也前邑令今中山刺史袁公捐
金創修經始於嘉慶丙子二月而成於丁丑九月其先
後干支若合符節然則廟之廢興固有數以存乎其間
雖鬼神亦有莫逃乎數者耶袁公始之而余成之而後
之人踵其事而隨時補葺之則廟貌長新蓋有人事焉
而不盡關乎數者余既不敢沒袁公之善而又樂後之
人繼余志而增修之也且宰之遷調不時而神與民則
久居茲土是隨時補葺之責似又有不盡在官而在民
者故備書之以諭來者又以爲邑之士民勸也邑人
高甲記略考郡乘明世縣城隍無專祠朔望展謁附於
府城隍廟東廊崇禎戊寅邑侯宋公祖乙卜基縣庠西
創建前後殿東西廊儀門大門是吾永之缺典至宋公
而經始焉然規模雖具而體制仍多未備是以賢侯繼
起增修中殿穿堂饗殿戲樓東西內外殿隸亭道房戲
房昔之缺如者於是盡美盡善矣第自前明戊寅泊
國朝乾隆丁丑百二十年碑殘碣斷歲月難稽姓名亦
泯良可慨已廟內現存貞珉一係乾隆丁丑孔邑侯廣
棣一係嘉慶丁丑袁邑侯俊伍邑侯傳沛先後捐廉倡
率士庶吏役相繼修理今歲乙丑幾五十年矣王邑侯
德炳朔望謁廟目觀殿宇摧殘慨然以補葺爲任先捐

廉以爲城鄉倡遂擇吉鳩工八閱月而煥然聿新

關帝廟在西關外康熙四十七年知府年希堯增修雍

正十三年知府周夢錦知縣侯可大道光十八年知府

周岱齡相繼修葺光緒十七年知府吳中彥知縣余效

衡重修

房册

一在南甕城

舊志

一在遊擊署西

營册

文昌祠在府學東明萬厯年間知府盧泮建崇禎間知

府程世昌修

國朝康熙十一年知府劉光榮知縣朱世緯五十二年知

府王嗣衍雍正十三年知府周夢錦各有修葺

舊志嘉慶

五年知府徐煥督同教授步毓巖邑人李其相等續修

重修廣平府志

卷二十四

經政略

祀典

四

縣志光緒十九年知府吳中彥重修

房册

步毓巖記略

天則紫微西垣外之六星在人則張仲孝友及亞子其

以星而輔乎人抑人而應星以生均無庸深致要皆佐

宣聖以敷文教者也是以黌宮之旁皆有其祠我

聖朝右文重儒於此尤矜式焉平干舊稱文藪而此

祠之設前有庭左右有廡後建一閣余於乙卯秉鐸是

郡從城外護隄上仰見閣巔翠拔凌雲因念畿南風

雅獨推廣武有由然也迨莅任後辦香肅謁睹其廟貌

雖未卽於頽然殘缺殊不足壯觀瞻竊歎文星以光耀

爲主而光耀匪徒恃其巍峩又在於壯麗也郡之屬邑

有十讀書待聘之士不知凡幾乃習見棧題之剝落神

祇之闕然竟聽其傾圮一至於此殆無人以倡之故雖

李其相申陶菴等共襄厥事顧以工大未容猝辦先捐

數百千修其後閣又遲一檢再捐若干整其前宮費兩

年之經理成一郡之宏規真盛事也同懷諸矜士咸歸

功於余余曰此太尊之倡率諸公之贊翊余何力之有

然近科登賢書頗不乏人得毋文光煥發乎卽此謂吾

儕有以啟之也可今余將待銓於部行與諸公別後或

重修廣平府志

卷二十四

經政略

祀典

五

歲增丹堊無俾再壞是所望於諸公與後之同志者是
爲記武勳朝記略郡城文昌祠自嘉慶庚申重修遂
今九十餘年棟宇摧折殆不可支光緒十一年秋大雨
水牆垣盡圯十五年冬吳曉滄太守來守是邦百廢俱
舉凡地方要工皆捐廉爲倡次第重葺以是祠工大費
繁籌之數載因重修府志之舉而並圖之倡捐清俸五
百金延集十邑好義者與之謀爭先樂輸贊用大槩迺
遴派紳董鳩工庀材諏吉興修自初夏迄孟冬七閱月
而告成用白金二千五百兩有奇祠內舊有訓蒙義學
塾師課成童每歲修脯捐廉給發通詳立案以垂永久
郡人士樂公志之有成也擬立石以記其事而屬文於
予予惟是舉也主之者太守襄其事者朱教授昌時耿
訓導鼎九郡紳武用章范榛李寶樟焦清吉蘇懷福也
至於閱歷久遠維持不敝則有望後之官斯土與郡之
賢士大夫弗忍斯文之墜者是爲記吳中彥落成詩
文昌高閣城南東斜值奎樓右泮宮主宰科名列祀典
俎豆崇德且報功溯自前明逮我朝屢加增葺非一
朝徐公修後九十載摧殘風雨歎漂搖棟宇傾圯牆又
裂輝煌金碧全漫滅似此不克安神靈費鉅誰創興修

說我莅斯郡先文教朔望焚香謁廟貌文明之地雜荆
榛何以勸忠弁勸孝大厦原非一木支籌經數載費尋
思躬自捐廉首爲倡婉陳大義勸衆施果然感激具天
良慷慨書捐樂解囊粲粲白金一旦集始願不及今快
償鳩工庀材期擇吉經之營之七閱月丹漆黝聖美奧
輪開拓規模勝昔日興復本是有司職神力默佑藉羣
力進告諸生賀落成欲求科第先種德我非好名喜要
譽人之欲善誰不如惟願後賢守此土遇有罅漏勤補
苴輸將十屬皆富紳何敢擾累窮檐民
監工諸君碑例書潔已趨公不染塵

魁星樓在府學前泮池中明隆慶間知府賀賁建

國朝康熙十一年知府劉光榮知縣朱世緯修

舊志

光緒五

年知府長啟重修

房一

在東南隅城上明萬曆間知府

南居易知縣陳所行建

縣志

龍神廟一在城東北

舊志作

五里黑龍潭明萬曆間知

府陳仁建俗稱九龍廟

國朝嘉慶六年知府徐煥道光二十九年知府王桂同治

九年知縣錢敏先後修葺光緒二十年禱雨靈應知府

吳中彥知縣張子偉倡捐重修

縣志兼房册 明廬大

極目汪洋世傳爲龍神潛藏澳區郡伯湛一焦公邑侯
瑤林李公相繼而莅吾土歲偶亢旱詢之故老戒饒鼓
肅牲醴於水濱齋居而露禱之三日雨降歲用大熟此
固二公之爲民祈命以迓天休然俾吾邑而甘澍滂沱
廣亭毒而穀士女者皆神惠也是龍之爲神其功用亦
宏且鉅矣可無報哉舊有廟三楹弗足以棲神而彰其
靈應相與偕謀聚材鳩工爰命鄉官典史郝西省祭官
郝重輝等董其事焉歷歲月厥功告竣廟前創拜殿亦
如廟制東西創兩廊創鐘鼓樓且兩門並建而門以內
創官亭二爲祈報憩息之所其制奕然鼎新隆隆洞洞
眞吾邑一巨觀也所費共計三百餘金焦公則捐金五
十兩有奇繼焦公者張公又捐金若干所屬八邑邑長

重修廣平府志

卷二十四

經政略

祀典

六

邯鄲王公曰善成安賈公三策肥鄉周公汝弼曲周王
公祚昌廣平蘇公文蔚雞澤邢公大壯威縣張公蒙正
清河王公國封各捐金十兩餘所費者實我侯之獨力
勸施費則官而利則民也是役也宜勒之石以垂不朽
國朝毛振翹詩古隄迴抱北連東隔斷洛河水勢
雉堞遠吞千島月誰樓高接萬山風環壕荻葦迎
傍岸荷花撲馬紅聞道靈潭能致雨爲民祈禱到龍宮
吳穀詩籃輿曉出郭門東野色蒼蒼望不窮隄柳長
虹縈宿霧潭澄明鏡動秋風連脰香稻檐鋪綠點徑幽
花淺著紅一雨郊原農事足報功先到九龍宮
吳中
彥禱雨詩黑龍潭祀九龍神靈應常昭佑我民惟願雲
興及時雨恩膏同被萬家春 奉職多愆守土官疏求
待罪敢希寬爲民請命神 一在東城上雍正七年知府
其鑒速需滂沱救旱乾

李梅賓建俗稱二龍廟禱雨輒應

舊志

一在西關外卽昭

龍廟嘉慶六年知縣郎錦騏重建道光十八年知府周

岱齡修光緒十七年知府吳中彥知縣余效衡重修採訪

冊一在城西二十五里辛村同治十一年知府長啟知

縣錢敏建後殿爲治河諸公生祠東偏爲義塾縣志

火神廟在南甕城明崇禎十一年建舊志光緒二十年知

府吳中彥重修房冊一在西南城下縣志一在遊擊署西營冊

河神廟在城南午橋村舊志

土地祠在府署浮青閣後一在儀門東房冊一在縣署大

門內縣志

八蜡廟在府治北康熙十一年知府劉光榮知縣朱世

緯重修同上

劉猛將軍廟在縣治東南雍正二年總督李維鈞檄知

重修廣平府志卷二十四經政略 祀典七

府王允攷建舊志咸豐六年知府長啟重修縣志李維

仲春虔請劉猛將軍降靈自序吾乃元時吳川人吾父

爲順帝時名將曾鎮西江威名赫赫聲播遐邇惟以忠

君愛民念念不忘國事吾謹遵父命亦日以濟困扶危

後授指揮之職亦臨江右又值江淮萑苻之盜蜂起人

受塗炭令吾督兵勦除我時方年二十偶爾爲帥惟恐

不能稱職有負國恩又貽父母之憂孰知天命有在經

由淮上羣盜聞信體解返舟凱還江淮之路田野荒蕪

因停舟採訪輿情黎民疾苦之狀皆云盜掠之後又值

蝗孽爲殃禾苗憔悴民不聊生吾聞之愀然計無所施

欲奏議發倉非職守當爲適遇飛蝗蔓野視其衆日吾

與汝等逐之何如衆皆踴躍歡然相隨吾卽率衆奮然

前進蝗亦爲之遁迹然而民食終缺困不能扶災不能

救烏在其爲民上耶因情急乃自沈於河後爲有司聞

於朝遂授猛將軍之職荷上天眷念思誠列入神位前

會因畿北飛蝗蔽野李公誠禱故吾於冥冥之中聊

爲感格而公遂感吾靈異而建立此廟已歷十有餘年

矣若問他年之事吾豈可逆溯而定乎將軍自序如此

已亥年滄州靜海青縣等處飛蝗蔽天力無所施予是

時爲守道默以三事禱於將軍一求東飛於海二求日
飛夜宿爲吾所縛三求蝗白滅果十三日不去夜擒七
千三百口袋餘皆不傷田間一物自是蝗不爲害七年
於茲矣甲辰春予以事聞遂命江南山東河南陝西
山西各建廟以表將軍之靈并於暢春苑擇地建廟將
軍之神力賴聖主之褒勅而直行於西北永絕蝗
蝻之禍數千里億兆無不蒙庥其功不亦偉與將軍諱
承忠將軍父諱甲長啟記略咸豐六年余守是郡謁
將軍廟周覽祠宇庭院荒蕪棧棟傾圮睹瓦礫之場慨
英偉之像謀爲修復迺商諸士而士皆樂趨捐貲不下
數千緡遂鳩工庀材與城樓而並葺僅踰一二月而告
竣備哉燦爛真神明之式憑也因爲之頌曰忠君愛國
將軍之德救災恤貧將軍之仁驅邪除穢將軍之武
上天眷佑下民輸誠保我黎庶將軍之靈是爲之記

冉子祠在城西四十五里瓜井村明成化間知府秦民
悅建嘉靖間知府唐曜修

國朝康熙十一年知縣朱世緯重修舊志同治十二年知縣

重修廣平府志

卷二十四

經政略

祀典

八

王鏞補修

縣志

明茅坤碑記冉子鄆人也去臨洺五

古稱鄉先生死而祀於其社冉子亦無功德於洺不當有祠

者洺之人何以廟而祀之洺之西五里冉子墓在焉豈

然冉子死而孔子與其學授諸侯之國而冉子死於是耶

趙簡子聞竇鳴犢舜華之殺也臨河歔歔流涕而返則

孔子終身不入趙而冉子之死蓋死耶也豈冉子嘗授

學於是旣返而門人或得其所遺衣冠遂愛其道或哀

其死而相與謀葬之後之人因墓以廟耶予又嘗疑孔

子在當時天下之士遊於其門嚮傑然者衆矣若李路

之攝干乘子貢之連騎結駟於齊魯之郊而亂齊存魯
卜子夏之疏序雅頌皆所謂政事文章之哀然聲稱者
其餘虎視麟躍翺翔儒林不可勝數然皆不得與高弟
列而當時所與從陳蔡之間者獨顏淵閔子騫冉伯牛
仲弓之徒以德行稱彼皆無所謂文章政事以自表見
然仲弓猶爲季氏宰閔子騫雖不爲季氏宰遭母鬻亦
得以苦行力學稱內外昆弟之間顏淵才高孔子獨與
終日言而不違而問仁問邦及簞瓢陋巷之居亟稱之
不置也至於伯牛則絕無一言一行傳於齊魯論家語

重修廣平府志

卷十四

經政略

祀典

九

魏宮野史之間特孔子哀其疾之辭耳以予觀之冉子
當言不出口眇然儒者也而亦無奇節特行以自喜州
黨朋友之間故後世不得而述焉漢以來自天子至州
郡守令王祀孔子至執弟子禮駿奔走盛邊豆凡人學
合射養老獻餼之屬不敢不廟謁以告而冉子得並顏
閔之徒首配食之趙古稱多悲歌慷慨慕義名俠之士
者也武靈王之霸廉頗藺相如樂毅之勛業平原公子
之愛士唐之宋璟宋之李沆彼所謂蓋世之賢也然俱
已頽落薶沒不復覩記其所遺墓宮往往里之童子樵
採嬉遊其上而不復禁而區區言不出口如冉子者數
千百年後猶相與守其衣冠之葬以祭何與嗚呼傳不
云乎太上立德其次立功其次立言故士之好修不必
論著乎文采聲施於國家載名氏撰藝實於竹帛鼎彝
之間而苟自其所壑遊谷處夷然託行隱君子之列焉
百世之下固有聞風而俎豆者矣郡守小潭唐君來謁
冉子之墓而加亭於其碣復修葺故廟屬予爲記蓋將
以孔門首德行之義而教郡之士人者嗚呼予非嫻於
文辭者也又頗自怪性多迂疏稍近薜蘿麋鹿之資而
不足以遊世焉要之功與言皆不能矯者而獨願乞身
入山學爲隱君子如吾冉子以附郡守之教是或可勉

而至焉不知其許與遊否也予既詳之如左而因爲樂
歌一章以系之碑陰令里人習歌而祝之其詞曰桂樹
爲旗兮揭離爲車未見君子兮我心則馳潔性醴以薦
兮湛酒於壘君子之至今兮式燕與處生不可聞兮沒不
可追君子之逝兮沼水無陂國朝孔廣棣謁鄆公祠
詩漢儒喜傳會惡疾加斯人豈以德行士不能全其身
河北衣冠葬俎豆嚴干春搜抉到溫泉穿鑿安足論昔
猶陳蔡從兄乃漳滏濱漳滏距鄆州往還不能旬文教
留踪迹漸摩風俗淳封植志墓感不害道義真亦聞宰
中都大聖推轂殷恩澤所磅礴誰能限籬藩吾儕景行
切惟應拜跪頻無爲騁怪僻徒以滋紛紜小物信有節
厲氣何由淪宣尼歎息語殆與天喪鄰從茲屏僞誣洙
泗尋根源

忠義祠在東大街雍正七年奉文建

舊志

節孝祠在西關外雍正七年奉文建

舊志

道光二十二年

補修光緒十七年知府吳中彥知縣余效衡重修

房

昭忠祠在府城隍廟東同治十二年知縣王鏞建縣志

旌忠祠在南門內祀明太僕寺丞申佳允大清一統志

國朝順治十三年

諭祭并

賜祭田

縣志馬世俊祭田記略古鄉大夫之賢者則祀於鄉社而後世祀於學宮其牢醴之費皆出自朝廷有司奉行之而歸其胙於子孫典至重也若夫祭於墓祭於家廟皆其子孫之事然古者士無田不祭而卿大夫有主田之授祭法云以死勤事則祀之其祭之在公私者可勿論而隆恩異數必出於朝廷而始重蓋所謂激勸之大者也余嘗考前朝死事之臣凡千餘人錄成一書分十卷顏曰日心錄其死於京師者為第一卷申端愍公之死灼然在天地間革代之後朝廷既遣官致祭且錫以祭田使其子孫世世奉祀公祠涵光涵煜涵盼皆為予文章交而涵盼又與余同為史官凡朝廷典故其有關激勸之大者史官當書之以是祭田之記屬

重修廣平府志

卷二十四

經政略 祀典

十

余余惟古來褒卹忠烈未有如今日之盛者苟非其事有深足感動豈能荷此榮典乎明季甲申之變諸文臣從容而蹈君亡與亡之節今特行旌忠之典勅禮臣核其真偽輕重得死京師者烈烈二十餘人嗚呼何其盛也端愍公奉命而出聞難而旋有勸公者公慨然曰普天同讐豈可越境乃免乎公以文章起家以節義報國公於是乎不朽矣余嘗論古來勲伐如蕭曹寇鄧當時賜田宅無算至於國除漸滅無有郭汾陽有再造之功當唐之世已有歌舊宅今為寺者何論易世也至於忠臣義士雖千百世之後而瞻其廟宇問其墓田猶有勃然而興起者則祭田之錫豈非激勸之大者乎記錫田之始為順治某年某月日田凡若干畝至於此田之守於某傳於某皆可不記史臣馬世俊曰義在天地恩在朝廷非申氏子孫之私榮也張玉書詩甲申之季烽火仄肉食紛紛皆氣塞亂離血染建章宮塵走洲壘滿牆棘是時問卿憂衝冠淚灑冰天草木溼君亡與亡志無貳化碧陰森繞宸極噫嘻食人之祿避人難郊原鼓絕軍聲散至尊噫血怒諸臣廟堂水火千年案丈夫身死心未寒古井生波畫酣戰嚴我斯詩秋堂突兀天氣肅手把一篇深夜讀一聲雄劍嘯悲風忠魂紙

重修廣平府志

卷二十四

經政略

祀典

十一

上聞歌哭有明之季甲申春赤眉銅馬暗京塵一時宮闕化灰燼煤山龍去飛青燐可憐養士三百載肉食者死今誰在紛紛黨禍等兒戲國破君亡終不改幾人執義壯鬢眉二十四公聲名垂先生大節勵生平堅如金石久不虧此時奉命出畿甸單騎入城思酣戰大腹安能一木支攀髯願見君王面王公之井止水亭裂落井坐清冷義不辱身以辱母從容天上騎列星嗚呼君臣大義不可滅將軍之頭待中血地有河嶽天日星此氣萬古英靈結先生一去已三十年衣冠劍佩儼如坐對相周旋千人萬人誰不流連感慕思高賢金日季子忝同譜予也追隨討今古投我旌忠數萬言再拜讀之一羨一悲苦我心何獨苦慷慨懷我祖我祖明季令居巢中原流寇正咆哮一門殉義同日死白日慘淡空山坳當時贈卹論金錢至今不得慰幽泉我父負骨走千里中夜飲涕號蒼天興朝殊恩表忠節如公榮名永不絕况有箕裘繼大名天之所啟多英哲撫卷讀罷起長歎孤燈熒熒明星寒淚如雨下空漫漫吳光詩清漳之水與濁漳各以其意清濁流丈夫臨難懷激烈吁嗟勁節誰爲傳黃巾犯關逼畿輔九重眞龍無處所疾驅赴義志捐生公爲臣子良獨苦煤山龍逝蒼梧陰

王恭厥井汨羅沈是時天地各變狀拔石靈晦風號吟王蠋千載名不滅豫讓橋邊水嗚咽詩人千古清漳濱遺廟巍然樹貞碣靈旗連捲雲中翔毅魄欲鼓鴟夷濤我爲公歌情黯黯蒼茫白曰秋天高魏裔介詩赤眉銅馬已無天返轡都門抗節先有死自同文宋瑞無力可勵秦宗權熒熒碧血留燕井浩浩貞魂照滏川陳子遺書餘涕淚執鞭恨不及當年一封偶發白虹氣多士羣抒黃絹辭往事徘徊遺恨在孤懷嗚咽有泉知藤花香著山公啟漳水秋陰武庫碑況是鳳毛方蔚起臣忠子孝又何悲宋琬詩鶴庭清切漢官儀憶共先人結綬時交映鵷鸞趨魏闕雙騎箕尾到坤維山川不瘞莨宏血風雨猶縣姑茂旗一望寒煙迷華表遙瞻松栢有餘悲

周公祠在臨洺鎮祀同知周憲曾

房册 李蔚然詩君不見粵賊滾滾聽山

前洛民奔走如雲煙主帥將兵未能禦傾刻城摧人命捐司馬周公奇男子見危致命操守堅當賊破城日正公以義年或曰盡去諸公曰豈其然某爲朝廷守茲土茲土既失何生全賊至脅公公不屈一生大義始昭宣

吁嗟乎人生自古誰無死一死還應耀簡編
丹心在文山雖亡正氣傳幸有此君堪鼎立
將與唐宋比忠賢仰維剛風不可及允宜立廟祀縣縣

李公祠在臨洺鎮祀定番知州李蔚然

房册張金式詩讀書不知慕

節義偽儒不如不識字卓哉平干李孝廉事君早信身能致孝廉立志繩祖武意態軒軒自飛舞一行作吏赴炎荒八千里外風塵苦分符定遠逼苗疆苗蠻出沒餘戰場七十二團誰聯絡多方綏集招流亡捧檄長途星馳走心悉民復罹虎口忽聞烽火近花封吾其返矣相與守莫謂邑無城能堅眾志城即成莫謂民兵少運籌決勝關心兵總然眾寡知難敵雖死猶留節烈名左手弓右手箭射人射馬奔如電前魍魎後離題蠶叢鳥道陣雲迷木怪愁今鬼哭山靈立今神號刺史腰懸大寶刀短兵相接處羣盜亂如毛拚將一死報君國碧血盈盈灑戰袍吁嗟乎常山舌半焦將軍頭已斷赤心耿耿通霄漢萬山煙雨任消磨正氣常伸終不散方今祠宇建昭忠翹首西南忠勇冠

重修廣平府志

卷二十四

經政略

祀典

十三

馬神廟在府署東北倉街

通志

一在縣署東

縣志

曲周縣

社稷壇在城西北雍正十年增建

縣志

風雲雷雨山川壇在城東南雍正十年增建

同上

先農壇在城東南

舊志作在城東

雍正五年建有耜田四畝九

分

同上

厲壇在北門外

同上

城隍廟在縣治西明嘉靖間知縣方逢時增修

國朝雍正間知縣張若巖嘉慶間知縣劉雲同治五年知

縣王延桂各重修

同上

方逢時記略曲周城隍廟在縣治之西廟有殿有廊有門門之內

有樓一爲歲時享祀之所歷時既久頗就傾圮余初至是邑既謁神於樓下見其傾圮乃隱然於心曰神爲一方民物之所依庇而廟貌如此神其安乎欲修之而未暇也乃戊申之春邑之耆民吳某相率而言於余曰惟神依人惟人敬神今神廟之樓圮頽殊甚非所以安神明而廣敬道也願鳩工力以修之敢請余曰此義舉也盍亟成之於是邑之民咸大和會以助其成既成之三月又相率而請余文以記之余喜余民之好義而敬神如此也故爲文畀之俾勒諸石

關帝廟在縣東城上康熙五十八年知縣崔湄雍正九

年知縣張若巖道光八年知縣傅以納各重修同一在

西關舊志

文昌祠在學宮東明萬厯二十七年知縣王象恒建

國朝雍正十二年知縣張若巖重修舊志

重修廣平府志

卷二十四

經政略 祀典

三

魁星樓在縣東南城上明萬厯間知縣王祚昌建崇禎

間知縣喬明旃移建河濱

國朝順治十三年知縣李時茂復建於故地雍正十三年

知縣張若巖重修乾隆間舉人秦騾移建北十餘丈同

治五年知縣王延桂復建於故地縣志光緒十三年知縣

程鴻源重修

採訪冊 李嘉彥記略城頭東南隅舊有奎樓崇禎丙子邑令喬公移建河濱奎氣

者以爲弗宜屢議移建故地顧力弗能而有待侯問之慨然曰吾責也守令作牧四方育民造士厥意維均於是捐俸付孝廉王子曰是役也吾與子任之邑亦感侯之意捐貲鳩工順治丙申春三月王子董其事復就故地而建焉侯諱時茂字蔚芝王子諱頤字佩如

滏漳二神祠在城東東橋南河畔

大清一統志

火神廟在北門外明萬曆四十一年知縣張潑建

縣志明

張潑記略曲梁舊無火神廟余實勸建於萬曆之辛亥辛亥迺余履曲之四載報政後也曲梁東枕漳溢流多漲溢同祿為災頻年有之兩者俱患然而水備猶得資人力橋梁隄防即余之不才亦可修舉無缺若火則災於水烈而備實於水難烈燄一張小則燬廬舍大則民命係之思蚤備預防惟祠而祭之得與河伯同禳之一策耳往歲火災曲未甚也今茲辛亥元日火越六日又火越十日又火民有謠某夕復火至期果然厲固不爽余當此不勝惶恐引咎自責因計火不可備可禳也無祠何禳用是輸俸金若干與鄉耆約建祠祀之迺相地於郭之乾位得僉憲牛公裔衿士也割地五畝五分輪之其鄉耆同患者共募金若干工起於正月之末至六月而落成大殿三楹兩廊各三楹大門樂樓俱備即不輪與其概儘足供禳甚便也茲役也固安民患之皇皇實補民牧之缺政云爾

土地祠在縣治儀門東

同上

重修廣平府志

卷二十四

經政略

祀典

古

八蜡廟在縣城西關

同上

劉猛將軍廟在縣治西北雍正五年建

同上

忠義祠在明倫堂西雍正二年建道光間知縣陳建重

修咸豐六年典史竇藹然捐修

同上

節孝祠舊在縣治前雍正二年建今移置明倫堂西

同上

范公祠在縣治西北同治三年建祀知縣范守恒典史

倪嘉璘並城濱遇害紳民

同上

教諭趙大山祭文鳴

循良著績義烈捐生番番良士奕奕豪雄請陳梗概如觀芳型磨蝎臨宮歲雞在西狂寇鴟張災黎鹿走成我鄰封逼我郊藪乃召紳耆爰咨僚友練勇團丁議戰議守修我戈矛滅此羣醜不料獵緇反困蠻觸機槍炮張聲鼓聲促天狗星墮鸛鵲軍覆光弼抽刀萬春帶鐵帥面如生客軍不復猿鶴蟲沙傷心一哭毘陵少尹太原

參軍宜生鐵騎萊蕪金昆勇則練長慎則司閫或司案牘或完倉困忠皆貫日氣盡凌雲血旣化碧像可鑄金凡此義烈胥關風化殉難書陳哀忠命下乃構堂廡斯勦斯聖報以蒸嘗春秋罔謝如張睢陽全淮功大以古方今齊驅並駕予忝守上有感前因風徽久仰露奠斯陳酌以酒醴薦之苾芬巍我神宇赫濯英魂雲車風馬閃爍繽紛來格來歆鑒此微忱

慰忠祠在河西鋪同治八年直隸候補道余承恩爲忠

勝營遇害委員劉普方開第暨陣亡弁勇建

同上 余承恩記略

余自咸豐辛酉歲四月以獲咎安肅令奉檄調率領民勇援解威縣城圍乘勝躡追克復山東冠縣五月攝曲周篆曲邑當殘破之餘招撫流亡激勵團練是冬教匪楊蓬嶺等入境予督丁勇二百拒戰於七岔路以衆寡不敵予傷股而陣殲者百餘人同治壬戌十月間張錫珠等復叛奉檄令募集鉅鹿之部民威曲之鄉勇成隊出征其時常君開運明運昆仲吳君鼎昌楊君芸生趙君元祥三弟沛恩從迨擢守廣平依然帶隊癸亥六月

重修廣平府志

卷二十四

經政略

祀典

五

擊宋景詩於東境省南肅清乙丑五月蒙派統領防堵黃河重立軍名是曰忠勝得崔總戎福泰楊太守毓枬李大令秉衡共事行間而襄小華觀察德俊鄭君錫祺五弟戴恩實左右之丙寅六月徵赴河南九月復赴畿輔丁卯夏秋梟逆披猖予力擊窮追至殘臘而殄滅報捷後又扼磁州戊辰正月以捻逆北趨於保陽之大級店襲賊營血戰乃出泊秋而捻患蕩平已巳之春始克遣撤爰捐貲於曲邑橋東購屋一區葺爲祠宇顏曰慰忠將歷年部下亡故之員弁勇役設位入祠援廣東潮州總戎卓君興舊案陳請曾侯相入告於朝以彰崇報祠工聿竣記略樹碑並以在事諸君列名於後

馬神廟在縣治西雍正十三年知縣張若巖重修

同上

肥鄉縣

社稷壇在北關外迤西一里

通志 畿輔

風雲雷雨山川壇在城西南一里

舊志

先農壇在城西南雍正六年知縣李夢說建縣志

厲壇在北關外同上

城隍廟在縣西街康熙四年淹沒雍正九年知縣王建

中重建乾隆三十八年知縣戴芬重修道光元年知縣

姜人烈九年知縣查揆續修十年知縣汪玉海增修同上

汪玉海增建寢宮記略道光十年二月余來知縣事循例謁城隍廟仰見殿廡草創丹雘未成詢知肥治舊有邑廟在縣治西康熙四年漳水灌城碑碣儀物蕩然無存至雍正九年邑宰王公建中即舊址稍稍創建乾隆三十八年戴公芬復加增修規模較宏敞而廟宇始成越五十餘年姜公人烈擬建寢宮而未果至道光九年海昌查公揆來宰是邑因見摧剝過甚乃與邑之紳士耆庶謀重修於是北路郭家堡村生員李蘭祥民人李廷祥等捐施大厰後隙地一畝六分南北長十丈東西寬九丈六尺同城諸公如教諭柴公士珍訓導王公

重修廣平府志 卷三十四 經政略 祀典 六

廷璜城守楊公治隆典史吳公竟成俱各捐廉襄事其他好義者輾轉相勸而重修之舉興焉工未竣而查公調任去事在垂成費用不給司事者擬暫停工以爲後圖夫九仞之功虧一簣職司守土誰之咎歟余乃倡捐薄俸又集各鄉紳耆而謀之投資給役不戒而集計前後共得大錢四千餘緡而工成矣計寢宮五楹東西配房各三楹東西便門兩座圍牆皆新建也舊日之大殿月臺曹房樂樓等一律見新於修整中稍加改造間有新設者如樂樓東魯班廟三間則在事匠人等公捐也自道光九年九月迄十年七月凡十越月而歲事邑諸紳請記於余用是撮其大略勒諸石以誌起訖歲月並在事之姓氏云爾是爲記

關帝廟在縣治西南康熙四年淹沒雍正九年知縣王

建中重建乾隆三十七年知縣戴芬重修同治四年知

縣李鵬展續修同上戴芬記略肥邑舊有帝君神廟

無存雍正王戊寅陽王公建中宰是邦即於遺址建大殿三楹後殿三楹拜厦暨山門各三楹門外樂臺一座